



# **Universitätsbibliothek Paderborn**

## **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt VII. Postremi coetus de Decretis, in Seßione vndecimo Nouembris  
firmandis. Variae discrepantiae, praesertim de primis causarum  
delationibus, ac de immunitate Ecclesiasticorum Collegiorum. Cur ...

**urn:nbn:de:hbz:466:1-11718**

1563. nitebantur, ut nihil sibi à Synodo timere posset. Quod Orator obstatisset, ne hoc negotium inceparetur, nisi prius acceptis à se sui Principis iussis, laudem illi, non reprehensionem deberet. Quod autem in eo modum ac verba ille usurpat, quæ referebantur, velle se diligenter de his inquirere, & vbi ea vera essent, rebus, ut oportebat, consulere. Denique ad id, quod Pontifex proponebat de celeri Concilij fine, ad euitanda discrimina aut suspensionis aut dissolutionis, alio responso opus non esse, cum Rex iam per suos Oratores Romæ Pontifici exposuisset quæ ipse censebat de ratione absoluendi Concilij; sed nihil Regem formidare de duobus obiectis periculis: nam ipse profectò ex una parte huiusmodi rebus minimè consensisset: ex altera fieri non poterat ut ea contingent nisi ex auctoritate Pontificis; qui cum grauissima damna prænosceret, credibile non erat ut umquam eō se flecteret.

Enim uero tela sine cuspede, esse solent minæ vel expressæ vel tacitæ illorum malorum, quæ pariter nocerent minitanti, nisi idem aut mentis leuitate, aut perturbationis grauitate insanire crederetur.

### C A P V T VII.

*Postremi cœtus de Decretis, in Sessione undecimo Nouembris firmandis. Variæ discrepantiae, præsertim de primis causarum delationibus, ac de immunitate Ecclesiasticorum Collegiorum. Cur leuiter agitaretur emendatio Cardinalium: & sufficienes inter Farnesium & Moronum Cardinales. Dissertatio Romamissa, & à Lotharingo comprobata, de celeri Synodi conclusione.*

¶ Litteræ Legatorum ad Borrom. 4.  
Nouembris  
1563.

**S**ensu Principum de Concilio ita se habebant: inter quos Veneti & apud Pontificem Romæ, & apud Legatos Tridentini celeritatis studium, promptumque ad opem ferendam animum egregie præ se tulerunt. Dies tandem imminens Sessionis Præfides ad curas maximè sollicitas stimulabat. Assidui cœtus habebantur, ad quos Decreta postremo correcta referebantur. Ea correctione confecta erat, eiusmodi ordine desumpto, sicuti diximus, è generali Conuentu, ut dirigeretur sententijs scriptis, quas singuli Patres detulissent, non autem adnotacionibus multis ac fallacibus eorum qui erant à secretis.

Id

1563.

Id verò postmodum argumentum præbuerat tum accusationibus, perinde ac si noua Decreta prolatis sententiis non responderent; quod purgatum est<sup>b</sup>: tum suspicionibus, perinde quasi alios alij ad ea varianda pertraxissent, affectiones animorum magis quam mentes commouendo; quod in ancipiti remanebat, ut consueuit: tum etiam litibus, quasi iudicia, postea scripto mutata, vim non haberent ea reuocandi quæ anteā in confessu pronuntiata fuerant; quod cogens argumentum non est habitum, cùm semper usque ad Sessionem fas sit sententiam mutare.

<sup>b</sup> Acta Pa-  
leotti.

Iam verò quoniam in multis articulis comperiebatur, plures sententias vni parti fauere, sed simul ingentem numerum fauere alteri; selecti Patres, vt id innotesceret cunctis Patribus quibus nouum exemplar exhibebatur ad postremum iudicium<sup>c</sup> in Conventu ferendum, in margine adnotabant quot & in quo dissident.

<sup>c</sup> Acta Pa-  
leotti, & Ar-  
c's Episc  
tom. ultimo  
Pag. 271.  
a tergo.

Exemplo sit: Cupiebant complures in primo capite, ut forma eligendorum Episcoporum Pontifici remitteretur.

In secundo, vt auferretur Episcopis obligatio, de qua diximus, obedientiæ Archiepiscopis exhibendæ.

In quarto, quod nunc obtinet quintum locum, ut causæ minores Episcoporum, ob delictum cui abrogatio aut suspensiō non debeatur, à Prouinciali Synodo cognoscerentur.

In nono (numerantur hīc, vt indicaui, eo ordine quem tunc habebant, nos eo in quem postrem redacta sunt, uno addito, quod anteā sublatum fuerat) vt in Episcopis facultas inuisendi, non intelligeretur de Ecclesijs, quæ Conuentibus generalibus subduntur.

In decimo septimo, vt qui examen exercebant, non eligerentur à Synodo Prouinciali, sed ab ipso Ordinario, cuius erat sacerdotia conferre.

In decimonono, vt mandata, per bona Ecclesiastica viris pauperibus ac doctis consulendi, in more seruarentur.

Sed in quinto potissimum, quod sextum nunc est, maximoperè litigatum. Etenim aliqui suadebant, vt retinerentur immunitates illorum Collegiorum, quæ Academijs subiacebant, idque Complutensis Academiæ gratiā, vt vidinius. Præcipiuus huius partis fautor erat Andreas de Cuesta, Antistes Legionensis, ad quem accedebat Mendoza, aliisque complures. At verò qui Academiæ æmulae, hoc est Salmanticensi, fauebant, obstiterunt, ac præcipue Granatensis, qui dixit, Se loqui, ne detrimentum paterentur Archiepiscopi Toletanus

Aaaa 2

letanus

1563. letanus & Hispalensis , vt qui generalia studiorum Gymnasia in suis diœcesibus obtinebant : connumeravitque cuncta incommoda ex huiusmodi immunitatibus. Quod multos peruerit , multoque plures peruerisset , nisi modicus Italorum amor in Guerrem vim eius adhortationum apud ipsos non hebetasset ; cum documentum illud Rhetorum , vt Orator benevolentiam fibi conciliet , non tendat ad voluntates solum , sed ad intelligentias alliciendas.

*Acta Pa-*  
*leotti.*

Cum denuò sententias dicere redordirentur , Hydruntinus tamquam æquum proposuit<sup>d</sup> , vt insularum Antistites , quippe maris difficultatibus obnoxij , priuilegio fruerentur , quo liceret ipsis Synodos Prouinciales per procuratorem adire. Madruccius non comprobauit exceptiones quæ ponebantur de primis causarum iudicij Ordinariis referuatis : fateri se quidem , potestatem inesse summo Pontifici eas cognoscendi , sed graui de causa , & parcè : affirmauitque , si Cæsar , qui summus erat inter laicos , voluisset primum aliquius causæ iudicium ad se ab alijs reuocare , forsitan illi haud permisum iri.

Maiori parti placuerat , quemadmodum notauiimus , vt leges ad Cardinales reformandos seorsim sancirentur<sup>e</sup> : & quamquam non facultates modò , sed mandata à Pontifice tradita ad id propendebat , tamen visum est Legatis , hoc si tentaretur , Synodum ingressuram nouum vastumque pelagus , cuius notitiam perpauci ex Partibus habebant ; adeoque tum ex huius notitiae penuria , tum ex aliqua emulazione Præsumum Transalpinorum erga illius Collegij prærogatiwas , absurdissima propositum iri , vnde non modica discordia & prolixitas oriiretur. Quapropter conati sunt prudenter , quod ipsis euenit , maiorem partem ab hoc remouere , vt proinde

*f Constat ex epistola Phi- liippi Geri Episcopi. In aximentis ad Catolium Qualitreduc- cium , qui Farnesio à secretis erat , 8. Nouem- bris 1563. & Vide finem cap. 2. lib. 3. & appareat ex epistola Iuli 111. ad Lega- tum 16. Ian- uarij 1552.*

Cardinalium emendatio cum vniuersali consociaretur , & ita minorem temporis confiliorumque portionem sibi depositeret. Ad quod motus etiam fortasse fuit Moronus<sup>f</sup> ab epistolis duorum Farnesiorum Cardinalium , qui ex sensu quasi communi Romanæ Au- læ conquesti sunt , quod ipse fineret Romam & Collegium emendationibus onerari , emendationem verò Principum omitteret , ni- mium illorum votis indulgendo. Qui sensus Purpuratorum adeo præcellentium , comperti à compluribus Italicorum Patrum , stu- diosis Farnesiorum , potissimum in causa fuere , vt tam multi con- spirantes negarent se de reliquis articulis locuturos , nisi articulus de Principibus reponeretur. Fueratque firma Pauli III. 8 voluntas , vt utriusque partis correctio æquè procederet , cum existimaret , hac ratione Principes æquiores in aliena , & faciliores in sua futuros. Sed postea

Hist. Concilij  
Paris III  
SIV

postea Iulius, quod calumniam disiiceret, quod Roma hoc excusationis obtentu reformare se nollet, ad suum Legatum scripsit, se consentire ut praecipius reformator primo loco reformaretur, & de hoc etiam Pius conuenerat.

Iam verò ad nostrum argumentum regrediamur: Moronus, qui, utpote à Farnesijs in Senatum adlectus, plurimā eos obseruantā prosequebatur, epistolam ad Alexandrum rescripsit, in qua statum Concilij, & necessitatēm sic agendi per magnam libertatem exponebat. Et quoniam mutuarum huiusmodi litterarum non modò notitia, sed etiam exempla transuolarant, suspicione admodum graues inter eos Cardinales coortæ sunt; adeò ut Moronus, id temporis animaduertens innumerabiles insimulationes, quibus ipse obnoxius erat apud Principes, Oratores, Præsules, Pontificem & Cardinales, eò progressus est, ut diceret, Maiorem calumniarum copiam contra se Tridenti scaturire, quam aquarum ex illis montibus, sed securæ conscientiæ aggeres efficeret, ne totam illam eluvionem timeret. Quocirca dissimile vero non est, ipsum, quod minùs exasperaret Collegium, cuius querimonias accipiebat, sedulò studuisse, ut illius ordinis emendatio euaderet moderata ac temperata. Non tamen illi satis fuere hæc adhibita studia ad tranquillandum Farnesij animum, cum hic ad Moronum responderit<sup>b</sup>, efficeritque ut responderetur a Gualfreddo, qui sibi à secretis erat, ad Philippum Gerium Episcopum Inarimensem, eidem intimum, Velle quidem à se factum credi eo pacto quo Legatus pro certo posnebat; sed non deesse qui affirmaret, visum à se fuisse in manu Pontificis exemplum litterarum, quas ipse ad Legatum scriperat. Et mihi quidem in comperto non est, hoc verum esse: solum in arcana litterarum notis, per quas Borromæus rescribit<sup>i</sup> epistolæ Moroni, datæ Kalend. Septembris, reperio, laudari à Borromæo propositum quod in ea Legatus patefecit; se videlicet ad cuiusvis litteras minimè respecturum, nec ullius habiturum rationem in reparandæ disciplinæ negotio. Et hæc verba subiicit: *Istis valde dolet hec discipline restitutio; & non modo si ad ipsos spectaretur, numquam ea fieret, sed omni quâ poterunt ratione illam impedire studebunt. Propterea nos, qui rationem Deo reddituris sumus etiam de rebus omib[us] in hac Synodo, par est, ut eos nihil moremur, sed ut id quod expedit, nullo habito respectu, semper prosequamur.* Et in aliis scribit<sup>k</sup>, permoleustum acci-

1563.

<sup>b</sup> Litteræ  
Originarie  
Farnesij ad  
Moronum,  
& Gualfre-  
duccij ad  
Gerium, sunt  
penes me,  
letipæ 20.  
Novemb[ris]

1563.  
<sup>i</sup> Arcanæ no-  
tæ Borrom.  
ad Moronū  
11. Septem-  
bris.

<sup>k</sup> 25. Septem-  
bris.

Aaaaa 3

rum

1563.

rum coërcendos ne similia tentarent, sed liberè progredi sinerent morum correctionem, cō modo quem Spiritus sanctus optimum ostendisset. Vt cumque res se habuerit, certum est, Farnesium pugnacionibus Legati respondisse per formulas reuerentis potius hominis quām acquiescentis; de quo inter reliqua hoc argumentum dedit. Scripsérat ad eum Moronus, Sperare te illum deceptum iri in aduersis de Concilio præfigationibus, perinde atque semper falleretur de ipsius voluntate, quoties ille quidquam crederet quod sibi officeret. Et ab homine, qui Farnesio a secretis erat, in repositione repositum fuit, Farnesium pariter ita sperare, & iam expertum esse successus prosperos in priori parte, quoniam habitæ Sessionis Decreta longè diuersa visa fuerant ab infausta expectatione; idque se gratali Legato, tamquam præcipuo illorum auctorii: sed herus, ante quam litteras subscriberet, hanc ad calcem vehementem appendiculam addi iussit: *Haud tamen omittam tibi dicere, hic homines rerum peritos affirmare, in ea Sessione quedam contineri, quæ huic misere Aula summum detrimentum inferunt.* Nec fortassis hæ suspicione vmbra (quas diximus in Farnesio de Morono, tamquam de homine, qui suo munere non coæclus, efficerit ut Pontificis gratia erga Farnesium minigeretur) minimæ fuerunt inter causas, cū hic postea Moronum, à se purpurā cohonestatum, ad supremum gradum prouehendum minimè curauerit.

Sed eò vnde digressi sumus redeamus. Granatenis reprobauit<sup>1</sup> eam mutationem in Cardinalibus, potius casu quām data operâ, reformandis: dixitque: Si illi meri Consiliarij Pontificis essent, in Pontificis iudicio eorum electionem repositum iri; sed cum etiam essent illius electores, adeoque eorumdem auctoritas ad vniuersam Ecclesiam pertineret, vniuersæ pariter Ecclesiæ munus esse, ipsorum ætates, promerita, dotes ac patrias ex professo, non in transitu præscribere.

Bartholomæus de Martyribus Archiepiscopus Bracarense, paulò anteà reuersus Româ, miris modis commendauit Pontificem, cuiusque summum studium reparandæ disciplinæ, ac præsertim quod spectabat ad Cardinales; nec in eo se falli potuisse, propterea quod Pontificis sensus vel maxime intimos penetrarat. Postea illustri præconio in cælum extulit integritatem probitatemque Caroli Cardinalis Borromæi, qui sororis Pij filius erat, adeò ut dixerit, *Obstacula salutari emendationi non à Pontifice, nec ab eius sororis filio, sed à nobis injici.* Et adiecit; Hinc sibi animum accessisse, quo maiori studio ac feroce suam impenderet operam ad ea cogitanda, & in Conclilio

*{Cuncta que  
in hoc capite  
sunt, extant  
in Actis Pa-  
leotri, aut  
Salmanticeo-  
sis, aut Actis  
Romanae.*

1563.

Concilio exponenda, quæ tantum opus promouerent. Id quod in dicenda sententia maximè notabile auditum est, acris reprehensio fuit, quâ inuestitus est in *mandata prouidendi informâ pauperis*, sicuti dicebantur. In prouentibus Ecclesiasticis distribuendis spectandam esse doctrinam & virtutem, non paupertatem; cum oporteat consilere muneribus, non hominibus: agentibus subueniendum esse per eleemosynas, non per sacerdotia.

<sup>8</sup> Aiala Segoviensis Antistes pro more suo accedere visus est ore adeò stomachante, ut cibum omninem auferaretur; & hos animi sensus protulit formulis vel maximè odiosis. Reijci à se totam illam disciplinæ correctionem, tamquam pluribus in locis vitiosam. Ad ductas iam à se fuisse rationes, cum anteà verba fecerat; sed in eo Conuentu numerari sententias, non ponderari. Postquam autem acerbè varia notauit in pluribus ex articulis propositis, conclusit, se minimè assentiri Decretis illis, quia Patrum delectus ad ea confi cienda, æqualiter ex cunctis Nationibus non fuerat habitus; quia multum illis additum subtractumque fuerat contra Patrum sententias; & quia suffragia, prout mos est in Synodis, collecta non fuerant, sed priuatum tradita: quocircè de ipsis rationem habendam non esse, eademque alia esse, atque ij qui erant à secretis notarant. Proinde si forte sibi ex morbo laboranti non liceret interesse Sessioni, iam tunc contestabatur, nullius efficaciæ illam esse; & à Concilij scribis expetebat, ut suam hanc contestationem (<sup>m</sup> quam scripto tradidit) referrent in Acta. Hic hominis sermo visus est vniuersè non ab eius doctrina, sed ab animi perturbatione profectus. Etenim etiam si quæ ille opposuit, vera omnino fuissent, re ipsa nihil confiebant; cum esset liberum Conuentui tum Patres pro suo arbitratu deligere, tum etiam aut posteà semper improbare id quod Patrum delectus legitimè consecisset, aut è contrario comprobare id quod ab ijsdem haud legitimè compactum esset. Acerbitate Aialæ primus Legatorum commotus, in cœtu subsecuto Patres commonuit<sup>n</sup>, vt abstinerent à sermonibus obiurgatorijs: etenim qui secùs fecerit, eum à Conuento depulsum iri.

<sup>9</sup> Lotharingus, qui iam incepta hac nouâ suffragatione redierat, ferè omnium postremus dixit, & hoc sermonis initio usus est: Tri se à principio optauisse in Concilio, plenam auctoritatem ex parte Pontificis, summam fidelitatem in Legatis, perfectam charitatem, pietatem, ac rerum notitiam in Patribus. Duo priora non deesse; adeoque reliquum fieri, vt Patres pro virili in tertium incumberent. Hic verò luculentam laudationem habuit de Pio IV. religio nis,

<sup>m</sup> Est in yhi mo tom. A. torum Ar cis Ælis pag. 180. & sequentibus.

<sup>n</sup> In Actis Arcis Ælis, s. Nouembris 1563.

3563.

nis, discipline, ac boni publici studiosissimo; eodemque parato se cō-  
ferre in Galliam, in Hispaniam, & quocumque salus & utilitas Ec-  
clesiæ ipsum vocasset. Si Pontifex in his virtutibus tantæ fuerat ad-  
mirationi Archiepiscopo Bracarensi, qui religionis studio totus ar-  
debat, cogitarent, qualisnam teperi suo visus fuisset. Nullum sibi ex  
itineribus suis hoc felicius euenisse. Nihil excusacionis Patribus fu-  
peresse, ne omnibus absolutam numeris emendationem prosequan-  
tur, quando Pontifex contestatus fuerat in Senatu, se illam velle, &  
grauiter oblocutus in eos Aulicos, qui propriæ utilitatis causâ illi  
videbantur obsistere. Deo preces esse fundendas pro diurna Pa-  
storis huiusmodi vita, vnoq[ue] animo ad Concilij confectionem  
submotis contentionibus incumbendum. Italianam à se magnoperè  
diligi, tum ob reuerentiam Apostolicæ Sedis, tum quia ipse genus  
trahebat à maioribus Siculis. Magnoperè Hispaniam diligi, quia  
Fidei propugnaculum id temporis erat: magnoperè Galliam pa-  
triā suam. Quapropter illos hortari, ut sine villa ad partes adha-  
fione, aut animorum discordia, opus perficerent, & ad Ecclesiæ re-  
uerterentur. Plurimum quoque Legatos commendauit. Quām  
ipſis cordi esset sancta disciplinæ renouatio, ex capitibus, quæ pro-  
posuerant, agnoscí. Complura postea fuisse mutata, sed ab alijs,  
non ab ipſis, & fortasse non in melius. Per Canones, de quibus  
tunc sententiæ promebantur, potius relaxari veteres, quām nouis  
vinculis restringi: eos tamen admittendos esse ob imbecillam  
temporum conditionem, per quos tamquam per gradus ascende-  
retur ad primævam disciplinam, secundum antiquiorum Synodo-  
rum Decreta.

Sed ad peculiaria progressus, affirmauit, Optari à se auторita-  
tem Apostolicam non modò solutam, sed summoperè auctam; ta-  
men hic locum non esse apponendi particulam, saluā Sedi Aposto-  
licę auторitate: siquidem disciplinæ reformatæ legibus legum re-  
laxationes aduersantur; & occasio Principibus fuisset præbita, Pon-  
tificis illarum postulationibus quotidie grauandi. Iterum censuit,  
proprium de Cardinalibus caput esse conflandum: ita Pontificem  
sentire, qui etiam ipsum obstrinxerat, ut hac de re ponderosum ali-  
quod & conspicuum decernendum curaret.

Vnum ex viginti & uno capitibus ablatum fuerat, sicuti dictum  
est, in quo agebatur de obligatione concionandi, quā pastores re-  
nentur; & cuilibet etiam ex Regularibus id agere in Diœcēsi-  
bus, Episcopis inuitis, prohibebatur. Ablatum hoc fuerat, quod  
sufficere censerentur sanctiones habitæ Paulo III. sedente. Sed Lotha-

Lotharingus petijt vt caput illud reponeretur ; & cùm multi consentirent, repositum est.

1563.

In quinto, vbi lex habet de committendis Episcoporum causis, opinabatur, aut caput illud omnino delendum, aut restrin-  
gendum, adiectâ particulâ, saluis Provinciarum priuilegijs: aliter ne-  
cessè fore vt Galli repugnarent, cùm Decretum illud opponeretur  
priuilegijs Ecclesiæ Gallicanæ. Improbauit etiam mandata prouidendi; narrauitque, mentem esse Pontificis vt ea tollerentur.

12 In hanc sententiam iuit Didacus Couarruias Episcopus Ciuitatis; monuitque, huiusmodi mandatorum usum fuisse inductum,  
cùm Episcopi cuncta sacerdotia distribuebant, nec tam multa re-  
seruabantur, ex quibus nunc Romanus Pontifex abundè habet vt  
per seipsum ea conferat.

13 Salmanticensis, de controuersia, Num apponenda esset in fine  
particula, Saluâ semper Apostolice Sedi auctoritate, perpendit, quam-  
quam Summus Pontifex sit Caput & Princeps totius Ecclesiæ uni-  
uersalis, nec ullius auctoritati iudiciorum subiectus, adeoque eius  
potestas illæsa perstaret in quois Concilij Decreto; tamen eam  
esse temporum nequitiam, vt oporteret id exprimere, & iterum  
atque iterum repetere, ad honestum Catholicorum exemplum, &  
ad hæreticorum abiectionem.

14 Auditis singulorum iudicijs, opus incidi redditum est, dato se-  
lectis Patribus negotio, vt omni conatu in eam formam illud re-  
digerent, quæ communiter placeret. Ægo erant animo Hispani <sup>o</sup>, <sup>Acta Sal-</sup>  
quoniam Decreta reuocandi Collegiorum immunitates, ac resti-  
tuendi Episcopis primas causarum delationes, videbantur ipsis mu-  
tilata tot exceptionibus, vt alterum litigiorum seminarium eu-  
aderet, alterum, lucrum spe longè inferius conferret. Quare ad de-  
liberandum inter se conuenientes, in tres classes diuisi sunt. Aliqui  
vehementiores contestationem suadebant; alij, difficiliores quam  
ardentes, auctores erant, vt vtrumque Decretum secundum præ-  
sentem formam reijceretur, eorumque sanctio ad futuram Sessio-  
nem transferretur, compendia temporis sperantes: alij, tempera-  
tores quam primi, & cautiiores quam secundi, aduersum hos aie-  
bant, satius esse minus sed certum accipere, quam illud recusare  
propter spem amplioris sed incerti; posse quidem fauore tempo-  
ris aliquid lucrificari, sed non minus posse temporis iniquitate ia-  
cturam fieri totius. Aduersus id quod cupiebant priores, considera-  
bant, contestationem dissidium, non lucrum parituram; vniuer-  
sique Concilij dignitati sine ullo suorum auctorum commodo no-

Pars III.

B b b b

citu-

1563.

cituram. In hac sententia perstitit Salmanticensis, qui tam vehementi studio efferbuit in turbulentis illorum consilijs reprobandis, ut denunciaret, paratum à se animum geri ad prius contestandum aduersus eos qui contestationem molirentur. Hic vocis sonus nimis elatior visus est Iacobo Giberto de Noguera Episcopo Alifano: quare formulas parum reuerentes in eum iecit. Sed ille, ut qui & causā & familiā se validum sentiebat, responsa acerbè mordacia homini reddidit: posteā tamen facti pœnitens, quippe qui pietate atque humanitate pollebat, Alifanum invitauit ad mensam; cuius iucundi liquores sècè succensas discordias extinguere consuerunt, eumque in gratiam reduxit; ratus, viri cordati, nedum Ecclesiastici, dignitatem post contentiones sitam non esse in honoris prærogatiua sibi seruanda, sed in æqualitate sponte reponenda.

Conclusum tandem est, de primis caualarum delationibus recipiendum esse Decretum sicuti digestum fuerat: etenim cùm in eō solum ageretur de Aula Romanæ detimento, Pontifex Legaticus usque adē ibi potuerant indulgere, ut numquam alias Episcoporum auctoritati tantum accesserit. Sed de Capitulorum immunitate, quoniam tertiae personæ detrimentum inuoluebatur, Hispanis eius reuocationem nonnisi circumspectam ac limitatam obtinere licuerat, & odium contractum ob expulsionem Procuratoris Collegiorum, quidam contra illos procurator euaserat, longè validior quam alter fuisset. Quamobrem opportunius existimarent, ut Decretum illud futuræ Sessioni reseruaretur.

Dum hæc agebantur, die nono Nouembri Romanus tabellarius Tridentum peruenit <sup>¶</sup>, qui detulit ad Legatos commentarium ad Synodum contrahendā, in quo etiam ratio habebatur, quā id Patribus persuaderetur: Commentarij, reuera à Morono profecti, hæc erat summa: Cūm hinc necesse esset celeriter finem impone-re; hinc verò argumenta iam proposita nec statim concoqui, nec decorè prætermitti possent; id quod vnicè expediebat, esse, ut in Pontifice reponerentur: id autem nec honestè nec utiliter à Legatis proponi posse; adeoque rationem tum facillimam tum honestissimam fore, ut illius auctor fieret Lotharingus; qui vbi confilium probasset, suopte ingenio ad illud prosequendum pronus fuisset. Ut cum eo Cæsariani sociarentur; ita alteri Galliæ, alteri Germaniæ necessitatē ad rem obtinendam exponerent. Id si fieret, verisimile videri Italos consensuros, repugnaturos Hispanos: sed posse animosè despici nationis vnius repugnantiam, quod satisficeret postulatis votisque aliarum complurium prægrandium, & multo ma-

<sup>¶</sup>Litteræ Bor  
rom. ad Le-  
gatos 6. No-  
vemb. & Le-  
gatorum ad  
ipsū 10. No-  
vemb. 1563.  
<sup>¶</sup>Apparet ex  
Monumentis  
Moroni.

gis Hispaniâ indigentium. Hæc erat rei summa ; ita tamen , vt semper significarit Pontifex Legatis <sup>1</sup>, tum vniuersè in argumen-  
tis quæ supererant , tum in uno altero Decreto peculiari , curan-  
dum esse vt decerneretur in Synodo viâ consuetâ , ne res in Ponti-  
fice nisi ex mera necessitate reponerentur.

1563.  
Constat ex  
litteris ante-  
cedentibus &  
subsequenti-  
bus, praeter-  
tim 18. No-  
vemb. 1563.

<sup>17</sup> Legati acceptis litteris confessim negotium aperuerunt Lotha-  
ringo ; is verò exemplum suorum consiliorum , quæ Pontifici voce  
descripsérat, idipsum agnouit , tamen suasit , vt die postero , qui po-  
strem confessui præcriptus fuerat , nihil ea de re proponeretur ,  
ne difficultates vnius cum alterius operis difficultatibus coniun-  
gerentur , & ita fortasse insuperabiles redderentur : id sanè cum ip-  
sis , quod cum hostibus , agendum esse ; vt cuncti superentur , singu-  
los aggredi opus est. Idem Legatis vñsum , inter quos Osio postre-  
mum cœtum adire non licuit , quod febri laborabat , quæ à Sessio-  
ne pariter eum longè detinuit , eidemque timorem incusit , sicut  
ipse scripsit ad Borromæum , ne per integrum illam hiemem ab ea  
duexaretur. Quare alicuius audacis fabulatoris somnium fuit , affir-  
matum posteà tamquam verum per summam confidentiam à Su-  
ui , morbum ab Osio simulatum fuisse , quod sibi nefas duceret  
assentiri Decreto de matrimonio clandestino , atque id ipsum etiam  
verbis ab illo declaratum. Missum faciamus , quod cum Al-  
ustum Paleotti tum Salmanticensis magnâ libertate scripta fuerint ,  
in his ne verbum quidem , in illis omnino contrarium habeatur.  
Verum , sicut idem Legatus in Sessione vigesima tertia Decretis de  
Sacrificio aliqua ex parte repugnauit , & etiam in hac vigesima  
quarta sententiam oppositam posteà scripto misit ; perinde po-  
tuisse idem ipse interesse , vnaque cum alijs compluribus , & cum  
Legato Simonetta repugnare ; præsertim cum in scripta sui iudicij  
schedula conscientiæ stimulus non senserit , in ea re Pontificis iu-  
dicio remitenda. Sed quid coniecturâ opus est ? Morbus ille Osij  
Legati tunc adeò manifestus adeoque diuturnus fuit , vt non modò  
illum vetuerit per eos dies interesse Comitatu & Sessioni , sed etiam  
postea tam imbecillum reddiderit , vt ipsi minimè licuerit <sup>1</sup> subi-  
re partem laborum , quos eius collegæ assidue tolerarunt : quod  
idem graui doloris sensu apud Pontificem excusauit ; & tantum <sup>Litteræ Le-</sup>  
adesse potuit functionibus solemnioribus. Proprium est quorum-  
dam ingeniorum , res toruè spectantium , hoc solum verum existi-  
mare , quod quidquid sit ac dicitur , fictum sit : & è conuerso ipsis  
accidit quod luscis illis Platoniani specus accidebat , vt fictum  
pro vero ab ipsorum oculis habeatur.

<sup>1</sup> Litteræ Le-  
gat. ad Bor-  
rom... No-  
vemb. 1563.

B b b b 2 . . . C A P V T .